

محمد سليمان

أمير الكلمات

أشعار بالعامية المصرية

صدرت الطبعة الأولى في أكتوبر 2018



محمد سليمان

بطاقة الكتاب

عنوان المؤلف : أمير الكلمات
المؤلف : محمد سليمان
التصنيف : أشعار بالعامية المصرية
رقم الإيداع : 2018-17849
الترقيم الدولي : 978-977-6656-91-8
عدد الصفحات : 104 صفحة
رقم الإصدار الداخلي : 271 طبعة أولى فى سبتمبر 2018
جميع حقوق الطبع والنشر محفوظة للمؤلف، ولا يحق لأى
دار نشر طبع ونشر الكتاب الا بموافقة كتابية من المؤلف

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - إمام سنتر الد13 - عقار 304

ج.م.ع. محافظة المنيا - أبوقرقاص - شرق الترمزة - خلف محطة السكة الحديد - هاتف 086214428

ج.م.ع. محافظة القليوبية - مركز طوخ - إيمى - هاتف 0132424735

(الفروع)

إهداء

إلى زوجتي وشريكة كفاحي وعمرى

إلى أولادى وزهراتى الجميلى

إلى قرائى وأحبائى

إلى وطنى

أهدى إليكم أشعارى

محمد سليمان

رؤية الناشر

من قصيدة المشهد اليومي وفن المجازاه انطلق الشاعر محمد سليمان فى كتابة دفقاته الشعورية التى تهتم فى المقام الأول بطرح الفكرة ، وتعدد جوانبها ، وتقديمها للمتلقى العادى بالشكل المناسب لرجل الشارع دون تكلف ، ودون اللجوء إلى الألفاظ المجهولة والمهملة ، - فهو يؤمن بالبساطة وروحها فى تقديم الفن ، متخذاً من الموسيقى الداخلية طريقاً لتجميل أشعاره ودفقاته الشعورية ، وقد تناول العديد من قضايا المجتمع تتصدرها تجاربه فى الرومانسية ، الإنتماء الوطنى ، التجارب الذاتية إلخ حتى خرج لنا بديوان طيب ليكون لسان حال المواطن البسيط ورجل الشارع

الشاعر الناقد

ناجى عبد المنعم

الإهداء

إلى زوجتي الغالية

إلى أبنائي الأعزاء

إلى وطني الأكبر

إلى كل من قرأ كلماتي وتفاعل معها

إليكم جميعا أحبتي أهدي كلماتي

محمد سليمان

تغريدات شاعر

إسمع منى
تغريدى وفنى
وعلى سعدكم يارب عنى
فى تغريدات شاعر
إسمع للمعنى
وكل كلام وله معنى
ويمكن معنا
الكلام تغريد
تغريد يسرك
وتغريد يضرك

وتغريد من غير ما تعرف يوقعك

لكن إصحى معايا

لكلامي ويايا

فيه فرحى وأسايا

وكلامى له ألف حكايه وحكايه

وخارج من قلبى

لكل حبايى

إسعدهم ياربى

بتغريدات شاعر

وأنا سفير

وزى العصافير

بكلامى بطير

بين الغصون

أنتقى الزهور

بأحلى العطور

عطور الغصون
وثمارها مضمون
غذا للكون
وفيها الصعب يهون
وبقول في حبهـم يارب جمعنا
والدنـيا تسمعنا
في تغريدات شاعر
الى فيها شاعر
ياحساس الناس
وبحرك القلب الساكن
الى هادى وراكن
منتظر تغريدات شاعر

وا قدساه

لا أقصاه

يا ميت خساره

على اللى مات بجدارة

متبصو لحالكم

شوفوا إيه جرالكم

راحت قدساه

مسرى رسول الله

ملوش غيرك يا الله

نفسى تتغيرو

وعلى بعض تدورو

قبل اللى باقى ميروح
إن مكنش راح
ماهى الدنيا دوارة
وعليها ياخسارة
على الأمة المنهاره
وانت يا مسلم مكرم فى القرآن
ليه تسيب نفسك تتهان
منتو كترتو
بس على بعض هنتو
وفى حالكم تهتو
وسبتو كله راح منك
فوقو بقه يا هو
الأقصى أخذوه
اللى بإيديكم سلمتو
يمكن تعرفو ترجعوه

العون بالله
إنجدنا يا الله
وحدك منك النجاه
وراح أقصاه
ومعاه قدساه
وآاه يا قدساه

أفراح

أفراح يا دنيا أفراح

الليلة كلها أفراح

مليانه رضا وسماح

أفراح يا دنيا العجب

والفرح الليلة وجب

وأفراح يا دنيا أفراح

وإفرحى وفرحينا

خلى الحبايب تجينا

علشان فرحنا غالي الليلة

ولامم كل الحبايب والعيلة

زغروته يا بنات سقفوا يا شباب

لعريسنا غالي ومنور

سبحان من خلق وصور
نوره العالى الليلة
ويا لا يا شباب حيوه
كل الناس يحبوه
ويعمر بيت الى جابوه
وعريسنا كلهم عارفينه
مرسومة الضحكة على جبينه
وكل العزال حاسدينه
على فرح الليله
والله الله على الزينه المتعلقة
ومن السقف ايدها مففقة
وفى وسطك شد الحزام
ومعاه يا سلام
وفرحنا عليه يا سلام
بنوره العالى الليلة

ووقف المعازيم
رقص وغنا
ومعاهم هيصنا كلنا
ومعانا عروستنا
نواره ليلتنا
وهى بنت حتنا
و الفرحة معاها لمتنا
علشان تزين ليلتنا
وآه يا سلام لما الفرح
يسعد القلوب ويطيب الجرح
والليلة حلوة وعایشنها
علشان جمال عريسنا وعروسته بيزنها
وأديكو بعنيكو شايقنها
ورونا السقفه يا ولاد
ومعاها الزغروته يا بنات

لجمال عريسنا وعروسته
ست الستات
ويحلو فرح الليلة
ويعود علينا كلنا
الفرح يدوم لنا
وكل الحبايب يجونى
لجل فرحتنا الليلة
وبفضل دعاكى يامه إنتى وأبويا
السعد والفرح جانى لحدايا
وربنا واقف معايا
لجل تتم فرحتنا الليلة

البنـت اللى ماشيه

يا بنت ياللى ماشيه

خدينى معاكى

إنتى راسيه

وأنا بهواكى

يا بنت ياللى ماشيه

كل البنات حبونى

وإنتى غيرهم

لأنك فى عيونى أحسن منهم

يا بنت ياللى ماشيه

كلك زوق

ارفعى راسك فوق

ونفسي من حبك أدوق

يمكن من السكر أفوق
منا سكرنى هواكى
لأن كل هنا بيستناكى
يا بنت يالى ماشيه
وكمآن كلك خفة
وقلبى علىكى ملهوف لهفة
ومن جمالك وقف الكلام على الشفة
نفسه يقول ..
جمالك مش معقول
يا بنت الأصول
يالى ماشيه
لأن بأدبك كسفتيه
وفي شبر ميه غرقتيه
وزوقك منين جبتيه
أكيد إتربيتى عليه

والله عليكى وعليه
يا بنت يا اللى ماشيه
إمتى علينا ترضى
ولا حتى عندنا تهدى
وأنا والله زاد الشوق عندى
يا بنت ياللى ماشيه
روحى قولى لبوكى
أهلى جايين يخطبوكى
وهم كمان حبوكى
ومن مشيتك
زادت عندنا محبتك
يا بنت ياللى ماشيه

ميلاد النبی

فرحتنا بیک یا نبی لما هلیت
بمیلادک فرحت الدنیا والسعادة فی کل بیت
الملائكة زینت السما باسمک
ولا إله إلا الله و مربوطة باسمک
یا الی المسک طلع منک
دا کله کرم من ربک
دننا جیت للدنیا نور
بأمر من رب غفور
وعلمک خیر معلم
وضمک جبریل لصدره من غیر متتألم

وبغفوك الكل على بعضه يسلم
وكنت على كل حاجه أمين
واليهود بحكمك راضين
وبسماحتك كمان شاهدين
يا نبي إنت شفيع لنا
ومن نار جهنم حامينا
وبقدومك غيرت حياتنا
ومعانا حتي في مماتنا
إنت طب القلوب ودواها
يا بن عبد الله يا طه
يا خير خلق الله
يا حبيبى يا رسول الله

عصفورتی

عصفورتی حبیبتی

إوعی منی تطیری

ولو طرتی

متحطیش علی سطح غیری

یا عصفورتی

وإعرفی عشی

وإوعی لیا تغشی

وإنتی فی الهوا بتتمشی

وتروحي لغيری

یا عصفورتی

ماهى العصافير ألوان
بس لونك فتان
فى قلبى يعزف ألحان
كلها حب وحنان
وفى طريقى تسيرى
يا عصفورتى
ومتعاكسيش الهوا
عشان نتقابل سوا
ونعزف لحن الغرام
ونعيش مع بعض فى سلام
وتبطلى تطيرى
وهيا تحط وتطير
وأنا عليها بغير
من كل العصافير
عصفورتى حبيبتى

صعب عليا

صعب عليا
اللى عملته فيا
من كتر الأسيا
صعب عليا
عذبتنى معاك
وأنا بهواك
وكننت معاك
وفجأه ليا
صعب عليا
كتر الأسيا
ليه يا آسى

تجرح إحساسى

قدام ناسى

وانت فوق راسى

ومش عاوز يصعب عليا

كنت دايمًا على بالى

دلوقتى رحت من خيالى

بعمالك فيا

اللى منها صعب عليا

شبعنا كلام

شبعنا كلام تعبنا
ومعتش حد بيسمعنا
لإن إحنا بتوع كلام
عاوزين خطوة لقدام
ومعاها يبقي لينا احترام
لأن العالم عرفنا
وخلص إتعرفنا
بتوع كلام
إشي أغاني
ومفیش منها تانى
و إشى أفلام

ومنها يا سلام
وإشى مسلسلات
وتقلب لك فى فى فات
ومنها شبعنا
وشبعنا كلام شبعنا
عندنا كل حاجة
ومش ناقصنا حاجة
غير الضمير اللى فى ثلاجة
اللى خلانا قدام العالم ولا حاجة
عاوزين جديد
والكل يبقى مستفيد
ومن غير كلام
إحنا كتير
وربنا كبير
بس نصحى الضمير

يجى التغيير
ومن غير كلام
بقول يارب قوى لنا الهمة
وساعدنا على اللمه
وتتوحد الكلمة
الى منها شبعنا كلام
إحنا حاملين القرآن
وحيابىب الرحمن
ويروح مسري خاتم الأديان
هو فيه إيه يا جدعان
محنا شبعنا كلام
شبعنا والله شبعنا

بعتذر

بعتذرك أنا بعتذر
إحنا النجوم وإنت القمر
وياما طالت معاك ليالى السهر
وكانت الحياة حلوه
وكنا ببيعض بنفتخر
وأنا بعتذرك أنا بعتذر
خلاص إنتهى الأسى وراح
خلينا نفس الألم ويا الجراح
وكانت غلطة
وراحت معاها الأفراح

ويلا نبتدى سوا
صفحة سماح
لجل نعيش
ونعيش سوا تانى ونرتاح
خلاص رقنا ولبعض إشتقنا
ولما تغيب نقول والله ما صدقنا
ما صدقنا نروق
وما حد تانى يفرقنا
وأنا بعذرلك أنا بعذر

جيناالكو جينا

جينا نفرح معاكم من جديد
جينا نفرح ونحط الإيد فى الإيد
جينا لجل نجرى الدم فى الوريد
جيناالكو يا أهلى
يا ناس القريب منكم والبعيد
طب الحياة معاكم فل وياسمين
ومين زيكو مين
إنتو الحياة ونور العين
ياللى مكانكم فى القلب ساكنين
ومن السعادة ببيكم على الراس متشالين
ونا لما أبعد عنكم معرفش أروح فين

ويا ليل يا ليل يا عين
يا عيني على الحبايب لما بتتلم
تبقى الفرحة كبيرة ما تتلم
ياللى ربنا بعثكم ليا أكبر نعم
وجينا وجينا من جديد
جينا نجرى الدم فى الوريد
وشكراً...

يا ليلة العيد

ليلة مش زى أى ليلة
ليلة تفرح فيها العيلة
ليلة حلوة وجميلة
ليلة نحضر فيها حالنا
بفرحة كبيرة جيانا
نفرح كلنا وعيالنا
وليلة العيد الله عليها
كل الخير جاى معاها
ليلة جميلة يا محلاها
ويا ليلة بالراحة علينا شوية
علشان نلحق نشوف حالنا

والعديّة لكل حبيب وحبّية
ياااه ليلة فين زمان
كنا نلف على الحبايب والجيران
والكل سعيد متهنى وفرحان
وسعيدة معاهم ملايكة الرحمن
الله يرحم زمان وليالى زمان
يا ليلة العيد الناس راحة وجايا
كله ماشى فرحان قدام عنيا
وبالخير تمد ايديها ليا
أنا فرحان بيه هو فرحان بيا
ويا ليلة العيد يا ليلة العيد

الدنيا مصالح

يا عيني على الدنيا
اللى كلها مصالح
كل ما نتعامل مع حد
يحسبها مصالح
يا عم مانا زيك
وانتا زى وانت كدا جارح
تجرحنى ليه وأنا كلى لك نصايح
متخيلنا صح ونبص لبكره
وسيبك من إمبارح
بدل ما تضحك عليا

وتسبني في حالي سارح
ربنا ما بينساش حد لأن عنده
كل القوانين واللوائح
لوائح السما واحده
ملهاش في الشرايح
تعمل لنفسك قانون
وتسبني مع اللي رايح
امانه عليك يا صاحبي تحسبها
صح وسبيك من إمبراح
يرضي علينا ربنا
وحالنا يكون صالح
في دنية المصالح

الأمل

يا مؤمن خلى أملك فى الله كبير
يارب إنت وحدك عليك التدابير
ودبرها يارب وخلي أملنا يصير
وأملنا منك يارب تخلق الصعب يسير
عملك مع أملك هو ذاتك
تسعد بيه و تحقق إنجازاتك
وخلي أملك فى بكرة وسيب الى فاتك
تفرح كثير وتنهض بحياتك
يارب يارب افتح لنا الأبواب
أبواب الرزق ومحبتك من غير حساب

أبوابك كثيرة يارب وفى طاعتك قلبنا داب
وقلنا نزور أحباب أحباب
بالأمل ..

دور على الأساس

يا باني بيتك من غير أساس
يا باني بيتك الرك على الأساس
لحسن يقع وعليه ينداس
وقبل متناسب حاسب ودور على الأساس
وعاوز تصاحب صاحب بس لازم تكون حساس
وخليك صاحب يخاف على شعور الناس
وأنظر لبيتك وما تنظرش لبيوت الناس
ودور على اللي يصونك مع الناس
وإمشى مع الأصيل وسيبك من كلام الناس
الأصيل أصله معاه وعيونه عليك حراس
ومن كرمه بعينه يحرسك عليك ما يرفعهاش
ويخاف على إحساسك

والعيبه ما يقلهاش
وسيبك من الخسيس الى ما يلزمناش
قدامك يصونك ومن وراك فى سيرتك نتاش
يا صاحبي الدنيا منفاته واللى تضر ما تعملهاش
وخذ حقك بس وعلى غيرك ما تتعداش
الدنيا رخيصه يا صاحبي وفى آخرتك ما تنهناش
وخذ ربنا من كومك
وإمشى مع الصالح وسيبك من الحشاش
الصالح طريقه خير والتانى تروح بلاش
ويبقى أساسك متين وعند الناس متنساش
يارب طالبين رضاك ولغيرك متحوجناش
لجل نفوز بجنتك وبراهها يارب متسبناش
ودور على الأساس

ولد الهدى

ساعة ميلاد النبی النور علینا بان
ونوره عم الدنيا ومسبش مكان
وفرحت بیه جمیع الخالق وأولها الإنسان
وبالذات أسرته الشریفة بهدیة الرحمن
اللی خلا العالم کلمه رحمة ومودة وحنان
واللی یبعد عنه یرکون فی دنیا النسیان
طریقہ هو نور الإیمان
ماتصلو علیه معایا یا جدعان
وا أرسله ربنا هدايا على طول الزمان
وإحنا من غیرک یا نبی نكون فی توهان
لأنک رحمہ وشفاعة لینا عند الواحد العدنان

ومحلاها سيرتك يا طه
وفيها العدالة بدل الطغيان
دننا صورتك سبحان الله
كالبرد في سماه
أبهرت الدنيا كلها
وسجد لله شكرا لكل من رآه
علشان يفوز برضا الرحمن
ويدخل الجنة معاه
إنت النور
إنت الفرحة
والسعادة لكل خلق الله

الجبل

يا جبل ما يهزك ريح
وكلامك علاج لكل جريح
وكل اللي يطلع منك له معنى
ومعاه الناس فرحانه بالمعنى
وكم ان الدنيا سعيدة وبتسمعنا
ويا جبل ما يهزك ريح
يا صاحبي وا المعنى جميل
وله ألف دليل
طالع منور عز الليل
ويا جبل لا تتهز ولا تميل

كلامك جامد ومش قليل

يا جبل ما فى زيك حد

دا مش غرور

ثقة فى النفس وبجد

وبشموحك تهد الدنيا هد

يا جبل إنت وتد الأرض

يا جبل ما يهزك ريح يا جبل

قوم قوم ونفض تراب الزمن

بنسمة هوا

بكلمة حلوة كلمة شجن

تشيل غبار الماضى ومعاه الفتن

ودنتا كل ما تزيد الرياح

تزيدك لمعان ونجاح

والجبل جبل صامد وغيره سواح

يا جبل ما يهزك ريح

ليه الناس منك غيرانه
الكل طلع فيها وعامل مولانه
الأصلى أصلى
اللى عندهم
مش زى اللى حدانا
أنا فى حالى
وتوكلى كله على مولانا
ويا جبل ما يهزك ريح

عنى شيل عيونك

عيونك نظرتها دباحه
نقع فيها بالراحه
وتخليك ليها ملهوف
وتقف قدامها مكسوف
لا من جمالها تدوب الحروف
وتقولى عنى شيل عيونك
عيون جمالها نور للكون
ومن حسنها مفيش زيها عيون
طب قولى إزاي أشيلها
أنا خلاص تهت فى نظرتها

علشان ليها إحساس عالى
يدخل القلب طوالى
والكلمة ليها حكاية
جميلة ملهاش نهاية
وإزاي أشيل العيون
لها نظرة تسحرنى
أقع منها من غير ما تسحرلى
وعليها رمش محيرنى
غمزته فى الليل تسهرنى
وعليه يارب قدرنى
حتى فيها الكحل ربانى
وحياة أبويا اللى ربانى
اللى يشوفك ما يعرف حد تانى
وتسلمى يا دى العيون

العروبة

كنا زمان بنقول
أحرار يا عرب أحرار
شوف الدنيا عملت فيهم إيه
ومن حروبهم يا ستار
حرب شغاله وبتاكل كل حاجه
حتى أولادنا الصغار
علشان سمحو لغيرهم يدخل
وآهو خرب لهم الدار
يا ستار نار هنا وحرب هناك
وإغتيالات لكل الأعمار
إيه جرى فوقو يا عرب إصحو

علشان تخلصوا من شلة الأشرار

أشرار علشان سبتوهم يدخلو

لحد ما عرفو منكم الأسرار

وهى الحياة أصلا أسرار

وخلص عرفها عدوك المكار

وبمكره عليه يعرف ضعفك

ويبصلك باستهتار

ويعمل ما بدا له ما هو عليكم دوار

يهدد ويضرب من غير ما يدى إنذار

والعروبة يا عرب قوة عزيمة وإصرار

إصرار علشان نخطى الصعب

لجل نكمل المشوار

مشوار الوحدة ونبقى سوا

تانى وغيرنا فينا يحتار

لأن إيد الجماعة قوية

غير الفرد ياخذہ التيار
وأحرار يا عرب أحرار
ياللى إنت غاوى البنت

ياللى إنت غاوى

البت دور على أبوها
تلقى من الكرم الأمثال ضربوها
ومن جمالها الناس حسدوها
وكترت الخطاب على باب أبوها
وعلشائك إنت سابوها
وإفرح وإملوا
كاسات الفرح وإشربوها
لما تحط إيدك فى إيد أبوها
وتسلم البنت واللى ربوها
ياللى إنت غاوى نسب
دور على الجدعنة
الجدعنة شطارة مش فتونة
الجدع على طول يفيدك

وعمره ما يضرك ويفيدك
وأبداً ما يعمل عليك سيدك
وفى الشده يحط إيدہ فى إيدك
ويابو البنت من الكرم ربنا يزيدك

لست أدري

جری إيه

إيه جری

ليكم يا ترى

جری إيه

الناس عماله

ليل ونهار شغاله

مبتطلش قواله

كل واحد على مواله

جری إيه

وهى الناس كانت طيبة

و حلاوة الشوق عندها قريبة

وإيه جرى
لما الناس إتغير حالها
من كتر الى جرالها
وجرى كتير وكتير
جرى إيه
الأخ طمعان فى أخوه
إبن أمه وأبوه
يبقى فىن الخير تلاقوه
وإيه جرى
جرى إيه
إنتوا جرالكو إيه يا ناس
كله على أخوه داس
ونسيتو لبعض الإحساس
معرفش ليه
جرى إيه

يا مؤمن وحد ربك
وخليك معاه يحبك
والناس تفرح بقربك
وتطلب كمان ودك
ومعرفش إيه جرى
ولست أدري

مش إنت

مش إنت

اللى تلعب بيا

وتطير النوم من عنيا

ومسهرنى طول لياليا

مش إنت

ونا لو قلبى نار أطفيه

وأمسكه بإيدى وأدوس عليه

ولا تسكن تانى فيه

ولا تلعب بيا

مش إنت

كنت فاكرك حساس
تحس بقلوب الناس
طلع ملوش أساس
وبتلعب بيا
مش إنت
وبطل قلبي الحنان
وأسيبه نعلان
ولا تلعب بيا
وتطير النوم من عنيا
مش إنت
ماهو إنت اللي حبتني
فاكرك حبييتني
لما ز غللت عنيا
بحاجات مغرية
طلعت بتلعب بيا

مش إنت
طب ليه حبتنى
تتسلى بيا
فاكرنى لعبة تلعب بيها
خلصت خلاص ترميها
خلاص لا انا لك
ولا إنت ليا
ولا تفكر تلعب بيا
مش إنت

نجمة الليل

يا نجمة فى الليل منورة

يا قمره يا حته سكره

يا نجمة الليل

حيرتى الناس بجمالك

والناس كلها شهدالك

يا نجمة الليل

وكل الناس حسداكى

على اللى ربنا عطاكى

وخلاكى نجمة ومفیش سواكى

يا نجمة الليل

خليكى معانا ومتبقيش ذكرنا
لأن بيكى بيحلو لنا بكرا
وجمالك الناس عليه مش قادرا
يا نجمة الليل
إننى عندنا حاجة كبيرة
وربنا جعلك لنا
على الراس أميره
وكل من بعد عنك فى آخر حيرة
يا نجمة الليل
وكمآن ليكى طلة
على الكون تنوره
وجمالك سبحان
من خلقه وصوره
ومن حسنه
الكل فرحان بيه وبيقدره

يا نجمة الليل
ونتى نجمك فى السما على
ونوره نازل لينا طوالى
منور لنا حياتنا يا على
يا نجمة الليل
وا البدر منك يغير
لانه جنبك صغير
يا نجمة الليل

يارب

يارب طالب رضاك يارب توبه
وتسامح عبدك الضعيف وتغفر له ذنوبه
إنت التواب إنت عالم بالعبد وبعيوبه
العبد ضعيف مع الشيطان
اللي فى المعاصى لهلوبه
خد بإيدى يا تواب والكفن فاضى جيوبه
تعمل مهما تعمل يابن آدم حاسب نفسك
قبل ما تيجى ساعتك تكون سيئ حظك
إمشى فى طريقك عدل تلاقي
الناس كلها تحبك
وربنا يقويك والخير يهديك
ويغفر كمان ذنبك

اذكر الله يا عاصي
وإصحى وتوب ووجد ربك
هو الوحيد المسامح التواب
وهو اللى عالم بيك
وتوبه يارب توبه الذنوب كثيره
إكرمنا ياربنا إنت عالم
بالصغيره والكبيره
يارب أنا عبدك ابن عبدك
الضعيف وكلنا عايشين على أرضك
يارب ليه الدنيا غداره
وتجرنا للذنوب رغم رفضك
إحمينا منها يا الله
وفى الآخرة دخلنا جنتك
وتوبه يارب توبه
وأنا جاى لك يا رب

وكلى هموم وذنوب
طالب العفو والمغفرة
ومن المعاصى دايب دوب
يارب قوينى وقدرنى وساعدنى
على الخير وعلى المطلوب
مطلوب هدى وتقوى
وانت وحدك عالم بالمكتوب
وانا دايب من المعاصى
والمكتوب ممنوش هروب
واجعلنى صالح وكلى رضا
ومحبة يا ستار العيوب
وبادعيلك وأبكى يا الله
يا ثواب إقبل منى لأتوب
وتوبه يارب توبه

قيدوا الشموع

بلو الشربات
فرحنا مسموع
زغرتوا يا بنات
وقيدو الشموع
لعريسنا الى منور
وعليه يا ناس الله أكبر
وعاوزينه من العين يتبخر
ياللا معاه يا ولاد هيصو
وعلى واحد ونص ارقصوا

وإنتو يا بنات سققو
وعلو السقفه
ومعايا على طول فى الزفه
وعريسنا شربات وخفه
وادعو له يتم فرحته
ويسعده الليله دخلته
وفيهما قيدو الشموع
لعريسنا الليله عيدو
وعليكو الله يعيدو
والشمع كلنا نقيدو
وعريسنا مش عاوز نور
وهو لوحده منور
وعلى المسرح بيتمخطر
وتاني عليه الله أكبر
وقيدو الشموع

الناس معادن

الناس معادن
فيه ناس تودك
وناس تخاف منهم
وناس تحبك
وناس آه منهم
وناس وسواس
وناس ربنا راضى عنهم
وهى الناس معادن
قليل لما تلاقى المعادن
معدن فى الميه ميصديش
ومعدن وسط المعادن ميساويش
الأصيل يخاف معاك

على الملح والعيش
والخسيس فى الشدة
يروح وميجيش
يارب يالى خلقت الكون
وغيرك مليش
إجعل الصعب يهون
ومحتاج رضاك لجل أعيش
وسط معادن الناس
ماهى الناس معادن

زيارة حبيب الله

أنا نفسى أزورك يا نبى
نفسى أزورك
و أنا جيت أزورك يا نبى
وأتملى بنورك
أزورك يا نبى يا نبى
و أكون جارك
يا حبيبى ونور عينى يا طه
ياللى إسمك مكتوب
فى الأرض وسماها

وصورتك قبل خلق الكون
وربنا اللى رعاها
يا شفيعى يا رسول الله –
يا حبيبى يا رسول الله
ياللى اسمك مع اسم الله
ونتا جيت هدايا للكون
واللى مع حضرتك
فى الجنة مضمون
يا حبيبى يا رسول الله –
يا بن عبد الله
يا خير خلق الله
ياللى ربك بعثك لينا هديه
وحنا لو نتمرغ فى ترابك
برضه شوية
دا إنت إنت يا رسول الله

إنت الحما والنور
وإنت هنا وسرور
يا رسول الله
يا نبى كلى شوق إليك
ويا بخته من صلى عليك
وفى رحابك تأخذه بإيدك
دنتا زيارتك حق علينا
وبها يكمل لنا ديننا
ويا حبيبى يا محمد
كن شفيع لنا
يا رسول الله

سطر وأكتب يا قلم

أكتب يا قلم عن ألم فى يدى وألم جويا
أنا ياما شلتك ولفيت بيك الدنيا وإنّت معايا
سطر يا قلم وإكتب وإرسم فى كراسى
سطر يا قلم ولا نسيت إحساسى
سطر يا قلم وعمرى لك ما كنت ناسى
ساكت ليه ولا عامل زى الكراس
نطق القلم وقال خلاص
جميلك فوق راسى
خلاص فقت ومتجرحش إحساسى
اطلب طلباتك مجابة يا عنيا
إنّت عملت معايا كتير مش شويا

كتب القلم وسطر بخطه ويايا
قال يا صاحبي قولى إيه الحكايا
قلت يا ألم أخرج من الألم
وإوصف طبيب لدوايا
قال دواك فوق عند رب البرايا
لملمت الجراح الى فى حشايا
وندهت بعزم ما فى وقلت
يااا رب يا سامع ندايا
إنت عالم بى واللى بيدور جوايا
الدنيا غدارة وعليها يا خسارة
وعيشينها بمرارة
عدينا منها ياا رب
وإسعد لنا القلب

جيش مصر

بنحباك والله كثير
ولك كل التقدير
وإحنا معاك للتطهير
إنت قوى وربنا كبير
يا جيش مصر
إمشى ولا يهمك
وتوكل علي اللى خلقك
ودمنا هو دمك
وأمنا هى أمك
هى مصر
أمانة تفديها

إن حد غار عليها
هى لنا وإحنا ليها
يا جيش مصر
وهى عامله معانا الواجب
وأرواحنا لها أقل من الواجب
وأمانة يا مصر لوفى
وأشيل كفنى علي كفى
وإن راح عمرى ما يوفى
خيرك علينا يا مصر
منتا جيش الأبطال
اللى عدا القتال
ومعندكش محال
وخطوتك تعمل زلزال
وفى الشهامة ينضربك موال
يا جيش مصر

رجالك أسود
جوه وعلى الحدود
وميخونوا العهود
ولا يهابو البارود
يا جيش مصر

يا ليل العاشقين

يا ليل فيك العشاق سهرانه
والدنيا منهم نار وآه يانه
منكم يا عاشقين
الواحد سهران يعد النجوم
صاحي لحد تاني يوم
يمكن يلاقى عشقه ورا الغيوم
مىلاقيش حتى نفسه ينام مهموم
ما هى الدنيا عندهم غيرنا
وليهم نظره كمان غيرنا
ومنهم ومن أحوالهم إحترنا
منكم يا عاشقين
وفى سهركم حيرانين

يا ليل فين العشاق إختارو
الناس تنام الليل
والواحد منهم النوم ما زارو
ماهو سهران يقلب أفكارو
يمكن يوصل لشط العاشقين
ما هو العشق له بحور
تسبح فيه مراكب العشق وتدور
وترسى على مرسى قلب مليان بالنور
نوركم يا عاشقين
يا عشاق بحركم موجه على
يشيل ويحط وإننا فين بتلالى
وتدور على حبك وعشقك الغالى
لجل تفرح وترتاح من سهر الليالى
ويمكن تنام الليل وتهدى طوالى
وآه منكم فى الليل يا عاشقين

سهرايه

سهراية حلوة
على شط التربة
على الحصيرة
ومنقد عليه برد وولعة
ومع أبويا فى الليل
والقلة كمان سقعه
والحبائب كتير
والضحكة للسما طالعة
ما هى سهرة حلوة
ومفيش كدا فرحة
ومن كرم ربنا علينا يرطب الجو
والنفوس كمان تصفه

والكل مبسوط وينادى
يا لا يا حاجة شدى
حيك هاتى لنا لقمة
ويبقى الفرح مالى عنهم
باللقمة اللى من حلاوتها
تكفى ميه
ما هى سهرة أصلا
مع الحبايب على الزراعية
وصورتك طاله علينا منورة
على وش الميه
مية نيل عمرانه بالطمى
يخلى الأرض طريه
وتطلع خيرها للناس
وبالإخلاص والمحبة مروية
اللى لمة كل الحبايب وأسرارها

عن بعض مش مخبية
لأن النيه صافيه خالص
والشياطين بينهم مش معديه
كل ده بالسهراية الحلوة
بالعيش والملح
ومعاهم الأخوية

شغلتی قلبی بهواکی

کل یوم أسهر أستناکی
وإن ضاع العمر فداکی
وعلیا متبعدیش
ومن غیرک معرفش أعیش
یاللی شغلنی قلبی بهواکی
وإنتی لیا قمر
وجماله ما خطر
ویسعدنی طول العمر
ونورک زی نور الفجر
یطلع یدفی القلب

وإسعدها ليا يارب
ومفیش غیرها علی بالی
أنا علی الأرض
وهی فوق فی العلالی
ونورها معایا طوالی
وأنا بهواکی واحد تانی
یاللی شغلتی قلبی بهواکی
وفی حضنک أسعد وأتھنی
هو ده اللی له أتمنی
إن الحیاه معاکی تبقی جنه
ومحدث یبقی فیها غیرنا
یاللی شغلتی قلبی بهواکی
منتی علی طول شغلانی
وبیکى أنا مشغول
یا ساکنه جوا الننی

وبعدك ياألمني
ومهما الزمن يطول
إنت عن قلبي مسئول
ياللى شغلتي قلبي بهواكى

قلت لأحلامي

قلت لأحلامي تعالى

فعليا تعالت

قلت تانى تعالى

فى العند زادت

أحلامي

قلت خليكى على راحتك

ونفسى من الألم فاضت

كل ده علشان قلت لك

يا أحلامي تعالى

هو فيه إيه يا ترى

مالك عليا متكبره

يا أحلامی

لوحدهك بکره تیجی

وآنا مش هسأل فیکی

أبدا یا أحلامی

ما هو إنتی أصلا حلم

أمال لو بقیتی علم

هتعملي إیه یا أحلامی

هتسوقی فیها

برضه مش هتلاقى حاجه ترکیبها

وهتبقى لوحدهك یا أحلامی

خلیکی راکبه راسك

ویكون غیرك جه وداسك

برضه مش هتلاقى غیری

یا أحلامی

إمتى تفوقى
وتصحى وتروقى
وتتعلمى من زوقى
يا أحلامى
وتبقى ليا مطيعه
وتشيلى عنى الوجيعه
وحنا نبقى لوحدا
محدث عارف سرنا
غير إنتى وأنا
يا أحلامى
خليكى ليا صديق
ينفع وقت الضيق
وأسعد بيكى فى منامى
وأصحى الاقيكى قدامى
يا أحلامى

خارج عن حدودی

اللى عملته فيا

صعب عليا

كثر الأسيه

نسانى وجودى

طبعك آسى

ولا انت ناسى

وتخون عهدى

محنا إتفقنا

مفیش حاجه تفرقنا

ولا تباعد ما بينا

وتخرجنى عن حدودى

وقلت كتير

وعملت أكثر
وعاوز تخلينى صغير
الله لا يقدر
خليك هادى
عليك بنادى
يا ساكن فؤادى
وماتخونش عهودى
أنا رايق
ومش متضايق
وانت فيها سايق
وبتلومنى فى ردودى
وتتسينى وجودى
حرام عليك حرام
منك تهنا فى عد الأيام
ومافيش خطوه لقدام

وكله عندك عادى
ولا تعبك وجودى
ماهو الى عملته
خارج عن حدودى
ظلمتنى ليه
وماعرفش ليه
وكل ده ليه
ولا عندك عادى
خلى بالك الدنيا دواره
ومليانه مراره
ومنك يا خساره
وعاوز تسقهاالى
وانت عندى غالى
وتعب منك حالى
ونستنى وجودى

لما خنت عهدى
وليه تظلم
وليه تجرح
وانا مش هسمح
أزعل أنا
وانت تفرح
ملكش عندي مطرح
وانا خارج عن حدودى
إرعى شعورى
تلاقى نورى
وأرجع معاك لحدودى

جسر المحبة

جسر المحبة تاه ليه
وراح فين وفين الاقيه
لجل آخذ حبيبى أدفيه
وأضمه لحضنى وأطببط عليه
وأنا على جسر المحبة
يا عم يا بتاع المحبة
قولى زار عها فين
قال زار عها فى القلب والعين
قلت إدينى شويتين
أفرح بها الغالين
على جسر المحبة
وهى المحبة من غير تمن

وعليها متقدّرش على تمن
موجوده معاك طول الزمن
جذورها ممدودة
فى القلب موجودة
وبها الحبايب سعيدة
يا بتاع المحبة
ياللي علي جسر المحبة
واوعى الجسر بيك ينهار
تعيش فى حرام
لا تلاقى صاحب ولا جار

سنين الغربية

تعبنا واللا في سنين الغربية
وكمنا فارقنا كل الأحبة
وليه يا سنين الغربية
مكنت أنا في حالي
بشوف رزق عيالي
وفجأة التعب جالي
منك يا سنين الغربية
ساعدينى لجل أعيش
وأحافظ على لقمة العيش
وتكون حلال يا سنين الغربية

أنا إتغربت عن أهلى وناسى
وقعدت على الأرض بدل الكراسى
ونسينى يا غربه إحساسى
ولعذابك أنا مش ناسى
يا سنين الغربه
والله يا غربه شفت كتير
ولقيت بقرشك تبقي أمير
وتحلو معاك سنين الغربه
ما هى الحياه غابه
وإحنا فيها زى الديابه
اللى يقدر ياكل أخوه
حتى لو كان ابن امه وابوه
وآه منك يا سنين الغربه
منتى عارفه يا دنيا إتغربت
ولسه زى منا ولا إتغيرت

ولا غيرنى تعب السنين
أنا واخذ عهد على نفسى
أحافظ على نفسى
وأجيب كل اللى فى نفسى
ومعايا رب العالمين
يبارك فى تعب السنين
وخلص يا غربه ربنا رضانى
ومن خير عطانى
ورجعت لبلدى تانى
وحسيت بالأمان فى بلادى
وفرحت بيا ولادى
وانطفت نار فؤادى
وراح تعب السنين

جرحوني الناس

جرحوني الناس جرحوني
جرحوني وف حالي ماسبونى
مسكونى فى نارهم ورمونى
وقطعوا بيا وعادونى
وعابوا فيا ولامونى
ومعرفش الناس بتعمل كدا ليه
هى الدنيا جرى فيها ايه
حتى الصاحب يغدر بصاحبه ليه
وكمآن باصص فى حاله ومش مهنيه
يارب يارب عليك بالعاصي تهديه
خلاص يا صاحبي جرحتنى

شوف اللى عملته فى الآخره وحتلاقيه
ومن عملك الكل سابك ياللى عامل فيها بيه
فين أحبابك وفين اللى كنت بتترد عليه
يا عينى عليك يا عينى هتروح فين
خلاص راحت عليك يا مسكين
العدل عنده هو بالموازيين
شوف أخرتكم فى النار محروقين
وصلاة الزين يا صلاة الزين عليكو
على الغاليين

على الزراعية

شفت اتنين سوى
شغلهم الحب والهوى
وهما على الزراعيه
وسط الزرعه النديه
وصورهم على وش الميه
ما هى ميه نيل
تشفى القلب العليل
لما تشرب وإنت على الزراعيه
تشرب حب وحنان
ما هو الخير بالفدان
يجيلك يابو ضحك جنان
وإنت على الزراعية

وكمآن نبص شمال ويمين
نلاقى الناس سارحين
وعلى بعض مصبحين
وصلاة الزين يا صلاة الزين
عليكو يا مصريين
وانتو على الزراعية
مننا عارف الخير كثير
ياخد منه الصغير والكبير
بس خليكو مع الضمير
وانتو على الزراعية
ولما تقعد تحت الشجرة
تشهد جمالك مع الخضرة
وتشرب من الميه الطاهرة
ومعاكو الملايكة كمان حاضرة
تبارك وانت على الزراعية

الشاعر فى سطور



مدير عام بهيئة ميناء

اسكندريه

ولي اعمال تلفزيونيه

مسلسلات افلام كليبات

حلقات شعريه علي قنوات تلفزيونيه مختلفه

(أشعار)

أمير الكلمات

محتوى الكتاب

2	بطاقة الكتاب
3	إهداء
4	رؤية الناشر
5	الإهداء
6	تغريدات شاعر
9	واقدهساه
12	أفراح
16	البنت اللى ماشية
19	ميلاد النبى
21	عصفورتى
23	صعب عليا
25	شبعنا كلام
28	بعذر
30	جيناكو جينا

32	ياليلة العيد
34	الدنيا مصالح
36	الأمل
38	دور ع الأساس
40	ولد الهدى
42	الجبل
45	عنى شيل عيونك
47	العروبة
50	ياللى انت غاوى
52	لست أدرى
55	مش إنت
58	نجمة الليل
61	يارب
64	قيدوا الشموع
66	الناس معادن
68	زيارة حبيب الله

71 سطر واكتب يا قلم
73 جيش مصر
76 ياليل العاشقين
78 سهرايه
81 شغلنى قلبى بهواكى
84 قلت لأحلامى
87 خارج عن حدودى
91 جسر المحبة
93 سنين الغربه
96 جرحونى الناس
98 ع الزراعيه
100 الشاعر فى سطور
101 محتوى الكتاب